

ტექნიკური დავალება

1. შესყიდვის ობიექტია პრეისკურანტით განსაზღვრული პერსონალური კომპიუტერების და საოფისე აპარატურის შეკეთების და ტექნიკური მომსახურების გაწევა.
2. შეკეთება და ტექნიკური მომსახურება გულისხმობს კომპიუტერული ტექნიკის დროულ და სრულყოფილ შეკეთებას, პროფილაქტიკური და დიაგნოსტიკური მომსახურების გაწევას, ტექნიკის ნაწილების (დეტალების) შეკეთებას ან/და გამოცვლას.

მომსახურების გაწევის წესი:

- მომსახურება გაწეული უნდა იქნეს შემსყიდველის საჭიროების შესაბამისად, ეტაპობრივად, მოთხოვნიდან (სატელეფონო ან ელ. ფოსტით შეტყობინება) 2 ორი სამუშაო დღის ვადაში ხელშეკრულების გაფორმების დღიდან 2021 წლის 31 დეკემბრის ჩათვლით, შემდეგ მისამართებზე: ქ. ქუთაისი ირ. აბაშიძის 22; ქ. თბილისი წმინდა ქეთევან დედოფლის (ყოფილი ქეთევან წამებულის) გამზირი #96.; ბათუმი შერიფ ხიმშიაშვილის ქუჩა #7.
- თუ ხელშეკრულების მოქმედების პერიოდში აღმოჩნდება, რომ განფასების ცხრილში არ არის საჭირო მომსახურება, ასეთი მომსახურების ფასი დგინდება მხარეთა შორის შეთანხმებით საბაზრო ფასის გათვალისწინებით (ასეთ შემთხვევაში პრეისკურანტში მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს).
- ტენდერში გამარჯვებულმა ორგანიზაციამ მომსახურების გაწევის პროცესში უნდა გამოიყენოს ყველა საჭირო ხელსაწყოებით აღჭურვილი მაღალკვალიფიციური ტექნიკური პერსონალი, რომლებმაც საჭიროების შემთხვევაში უნდა უზრუნველყონ სხვადასხვა სახის პერსონალური კომპიუტერების და საოფისე აპარატურის შეკეთების მომსახურება.
- მიმწოდებელმა მომსახურების გაწევის პროცესში უნდა გამოიყენოს ახალი და არა მეორადი სათადარიგო ნაწილები.
- გაწეულ მომსახურებაზე მხარეები ადგენენ მიღება-ჩაბარების აქტს, რომელშიც მითითებული უნდა იყოს გაწეული მომსახურების დეტალური აღწერა, შესრულებული სამუშაოების რაოდენობა ან/და მოცულობა, ფასი და საერთო ღირებულება (მომსახურების ფასები გათვალისწინებული იქნება პრეისკურანტში (დანართი #1) მოცემული ფასების მიხედვით).
- განხორციელებულ მომსახურებაზე და თანმდევ მაკომპლექტებელ ნაწილებზე უნდა ვრცელდებოდეს გარანტია მიღება-ჩაბარების აქტის ხელმოწერიდან მინიმუმ 6 თვის განმავლობაში, გარდა იმ შემთხვევისა, როდესაც დაზიანება გამოწვეულია მექანიკური ზემოქმედებით. იმ შემთხვევაში, თუ აღმოჩნდა რომ მიმწოდებლის მიერ არ არის სრულყოფილად შესრულებული მომსახურება და/ან შეცვლილი ნაწილი აღმოჩნდა წუნდებული, მიმწოდებელი ვალდებულია აღმოჩენილი ხარვეზი აღმოფხვრას საკუთარი ხარჯებით, გონივრულ ვადაში.
- მიმწოდებლის მიერ პრეისკურანტის ცხრილში დაფიქსირებული ფასები არის მაქსიმალური, ხოლო ყოველ კონკრეტულ შემთხვევაში მომსახურება უნდა განხორციელდეს იმ დღისთვის არსებული საბაზრო ფასით, რომელიც შიძლება ნაკლები იყოს განფასების ცხრილში არსებულ ფასებთან მიმართებაში და არ უნდა აღემატებოდეს განფასების ცხრილში არსებულ ფასებს.

შენიშვნა:

1. წარმოდგენილ ტექნიკური დავალებაში პრეტენდენტმა ზუსტად უნდა განსაზღვროს გასაწევი (შემოთავაზებული) მომსახურება.
2. დოკუმენტი დადასტურებული უნდა იყოს პრეტენდენტის კვალიფიციური ელექტრონული ხელმოწერით ან/და კვალიფიციური ელექტრონული შტამპით.